

FRANCISCI CANCELLERII  
 ROMANI  
 DE REDINTEGRATA  
**CONCORDIA**  
 INTER ROMANAM AVLAM  
 A C  
 PORTVGALIAE ET ALGARBIORVM  
 REGEM FIDELISSIMVM  
*E L E G I A.*



ROMAE MDCCCLXX. TYPIS SALOMONI.

---

PRAESIDVM ADPROBATIONE.



---

---

*Et nomen Pacis dulce est, & ipsa res salutaris.*

Cic. Philip. 2. c. 113.

---

---

( V. )

# ANDREAE CORSINIO

S. R. E. CARDINALI AMPLISSIMO.

FRANCISCVS CANCELLERIVS.



UUM Nuncius allatus est de  
redintegrata inter Romanam  
Aulam , ac FIDELISSIMVM  
Lusitaniae , & Algarbiorum REGEM neces-  
situdinum officiorumque consuetudine ,  
& pristino rerum omnium commercio  
\* 3 in

in integrum restituto , quanta laetitia universi gestierimus , CARDINALIS AMPLISSIME , Tute potissimum testis esse potes , qui Eminentissimo Principi NERIO COR-  
SINIO Lusitanici Regni PATRONO tanta sanguinis propinquitate conjunctus quum sis , hujus undique sese efferentis laetitiae partem multo maximam Tuo quasi jure Tibi vindicasti . Quo quidem tempore illud etiam intellectum est , quod certe jucundissimum Tibi accidisse scio , quanto in honore , quantaque in caritate Lusitanicum nomen apud nos esset , quantisque hominum studiis utriusque Gentis societas , atque amicitia expeteretur ; siquidem ad primum ejus conciliatae , constitutaeque nuncium Romani omnes Cives omnibus laetitiis incesse-  
runt , ipsaque adeo Urbs suis propemodum convulsa sedibus exsilire gaudio visa est . At enim in hac tanta , tamque illustri , ac singulari omnium laetitia ,

titia, quum Divorum Tempia solemni-  
 bus gratiarum actionibus personabant, fe-  
 stisque ignibus tecta omnia, compitaque  
 Urbis collucebant, quum omnes Civium  
 ordines, summi infimique, sibi hanc re-  
 rum in eum, quem maxime optabamus,  
 statum conversionem gratulabantur, soli-  
 ne conticescerent, atque cessarent, natio  
 hominum minime elinguis ac deses, Poe-  
 tae? Immo repente quamplures exstite-  
 runt, qui certatim conceptam animo lae-  
 titiam, *dulcibus*, ut ille ait, *expromtis*  
*Musarum foetibus* pro se quisque prodide-  
 re. Quorum ego exemplum sequutus,  
 etsi omnium facile postremus aetate, ne-  
 que certe cum illis aut ingenio, aut do-  
 ctrina comparandus, ejusdem argumenti  
 quiddam de meo latine cudere, atque evul-  
 gare constitui; quo videlicet meam quo-  
 que laetitiam testatam publice facerem,  
 Sanctissimoque Patri CLEMENTI XIV.,

cujus singulari quadam providentia , ac  
 mirifica dexteritate , atque sollertia opus ,  
 quod tam multis difficultatibus obseptum  
 erat, atque impeditum , ut nullum habere  
 posse exitum plerisque videretur , feliciter,  
 celeriterque confectum est , atque adeo  
 Patriae huic meae , Christianaeque Reipub-  
 licae universae tam jucundam , ac tam  
 diu expetitam concordiae reconciliatio-  
 nem gratularer . Hoc autem , qualecun-  
 que est , quod exaravi , cui potius inscri-  
 bereim , quam Tibi , CARDINALIS AMPLIS-  
 SIME , qui ex faustissimo hoc auspiciat-  
 simoque eventu praecipuam propriamque  
 tuam quamdam voluptatem capere debui-  
 sti , quod haud ita multis ante annis perho-  
 norifico Pontificii Ablegati titulo insignitus  
 Portugalam adiisti , & praeclarissimi Re-  
 gis IOSEPHI , atque inclytae optimaque  
 ejus Conjugis MARIAE ANNAE VICTORIAE  
 augulto adspectu-frui , suavissimam comi-  
 tatem

tatem experiri , ac praecllentes , eximiaſque virtutes admirari potuiſti ? Levius eſt munus , fateor , quam ut Tibi , PRINCIPi EMINENTISSIMO , ſummae dignitatis , ſummae auctoritatis Viro , clariſſimi generis nobilitate , atque ſplendore , & egregiis animi dotibus praeſtantiſſimo , offerendum videatur . Sed audaciam meam excuſabit Tua iſta ſingularis humanitas , cujus expertem pateris eſſe neminem , cui modo ad Te pateat acceſſus . Itaque , quantulumcumque id eſt , aequo a Te animo exceptum iri non dubito , omninoque fore confido , ut ſi minus dignam approbatione conſpectuque Tuo huiusce-modi lucubrationem cenſueris , me tamen Tuo devotiſſimum nomini ( cujus rei , veluti praedem eandem eſſe volo ) apud Te ſtatuas , neque propterea indignum , quem in Tuorum Clientium numerum recipere , Tuoque patrociniſio tueri , ac fo-

\* 5

vere

verè velis. Quod si a Te impetravero, uberrimum ac maximum exigui hujus officii mei fructum mihi consequutus videbor, Teque omni obsequiorum genere observare ac colere, quoad vivam, tuo maximo beneficio obligatus, ac plane obaeratus non desistam; Deumque Opt. Max. orare jam nunc, atque obtestari summis precibus incipiam, Te ut incolumem, florentemque in publica, ac privata hominum commoda quam diutissime conservet.



( XI. )



D E

REDINTEGRATA CONCORDIA

INTER ROMANAM AVLAM

A C

PORTVGALIAE ET ALGARBIORVM

REGEM FIDELISSIMVM

---

E L E G I A.



Urea PAX; roseis quam circum can-  
dida pennis ,

Et picta volitat Laetitia in chla-  
myde ,

Quonam tendis iter ? viridem frondentis olivae  
Ramum cui niveis , dic age , fers manibus ?

Pergisne antiquam , bona Diva , revifere fedem ,  
Et tua Romano proxima templa foro ?

\* 6

Tem-

( XII. )

Templa auro ingenti , & centum spectanda columnis ,  
Illa olim cunctis prodigium populis ,  
Num spectare gravi juvat heu ! prolapsa ruina ;  
Diruta , sed quamvis diruta , pulcra tamen ?  
Fallor . Romuleo dictum de nomine collem ,  
Celsaque CLEMENTIS Regia tecta petis  
Puniceas quatiens alas . Gaudete , Quirites ,  
Sollicitosque omni demite corde metus ;  
Haud temere rediit Dea : Tuque o Maxime CLEMENS ,  
CLEMENS humani praesidium generis ,  
Ex quo uno faciles Superi laeta omnia demum  
Spondent , ex quo uno est Romae oritura salus ,  
Excipe nunc Divam Tibi gaudia magna ferentem .  
Illa Tago en alacris venit ab aurifero ,  
Vltro & pacalis ramum Tibi donat olivae ,  
Prostrata & sacris oscula dat pedibus .  
Audin ? purpureo depromit verba labello ,  
Et laetis in Te blandum inhians oculis ;  
Magne , ait , o CLEMENS , cupide in sua damna ruenti  
Tam bene qui saeculo consulis , & misero  
Incoepisti foedas Orbi detergere labe ,  
Atque olli antiquum restituisse decus ;

Illa

( XIII. )

Ille ego sum , adversis tam longo tempore fatis ,  
PAX ego sum illa , Tua tam protul acta rate .

Ah ! memini , incubuit nigrae quum faeva procellae  
Vis , late undoso & gurgite navifragi

Praelia miscerent Euri , & nimboſi Aquilones ;  
Horrisſono gemerent impete veliferae .

Quum quaſſae antennae : exſanguis pallorque , pavorque  
Et corda , & miſerum jam occupat ora hominum .

Talia dum fierent , tot tempeſtatibus actam  
: Spectabam miſerans ipſa ratem , ſubito

Quam mihi veſanus turbo magis & magis uſque  
Dira fremens , cupidis abſtulit ex oculis .

Ergo te nunquam poſthac , nunquam , o mihi ſemper  
Cara ratis , poſthac amplius adſpiciam ?

Amplius eſſe tui haud unquam potero comes ? cheu  
Crudele , & nimium flebile diſcidium !

( Haec ſanti crebro ſingultu infraſta , ſuebant  
Perque genas trites , perque ſinum lacrymae ,

Vviduliſque oculis ubertim unde unde cadentes  
Tergebat nivea candida Diva manu . )

Aegra igitur , magnis & mentem ſaucia curis ,  
Errabam ignotis anxia litoribus ;

Monti-

(XIV.)

Montivagas inter pecudes & paupere demum  
Juncis intexta viminibusque casa,

Fida ubi degebat simplex cum conjuge pastor,  
Tuta meos potui ponere Diva pedes.

Haec fuerunt olim: at nimbos depellit ut atros,  
Aridus atque alnum Solem aperit Boreas;

Flammeus ille polo diffundit spicula lucis,  
Et dia fulgens cuncta beat facie;

Nec jam usquam Coelo densantur nubila, ridet  
Laetus ager pulsus imbribus, atque hyeme:

Sic iterum mihi fausta dies illuxit, & omnem  
Depulit e tristi pectore amaritiem.

Advocor en, placido amne Tagus qua allabitur Urbem,  
Fertur Laerte quam posuisse genus.

En qui jam longum felicibus imperat oris,  
Maximus & magno sceptrum tenet folio

Ille suo & regno felix, ad utrumque cubile  
Solis quod miro porrigitur spatio;

Invitat cupidam cupide Rex fronte serena,  
Et dat regali figere in Urbe pedes.

Quid memorem, ut late resonaret plausibus illa  
Adventu penitus facta beata meo?

Mecum

( X V . )

Mecum etenim sacrum Rex inclytus Oratorem (\*)

Excepit , CLEMENS Magne , Tuum , egregie

Cordatum , rerumque usu ingenioque vigentem ,

Heroum & claro sanguine progenitum .

Illum dum spectat , Tete spectare videtur ,

Gaudetque in laudes quilibet ire Tuas .

CLEMENTIS referunt quid possit maxima virtus ,

Omnibus atque omnes laudibus accumulant

Certatim , dignumque vocant , cui vera monenti

Submittant animos omnia Regna suos .

Tu finem cunctis , Pater alme , laboribus affers ,

Imperio & referas aurea saccla Tuo .

Tu reparas , quae olim discordia saeva flagello

Intulit in nostrum tristitia damna caput ;

Incaßum illa furit , digitos vefanaque mordet ;

Tu premis invicto livida terga pede :

Maße

(\*) Intellige INNOCENTIUM Pontifice sapientissimo CLEMEN-  
TE XIV. auctus erat , illi gratula-  
bantur , ejusque adventu dulcissimam ,  
cumulatissimum , qui tota incredibili-  
ter gestiente Lusitania exceptus est :  
omnes enim honorem , quo recens a  
votisque omnibus expetitam concor-  
diam , tandem aliquando re. integratam ,  
mirifice atque immortaliter gaudebant .

( XVI. )

Macte animis victor ; precor o , magis usque nefandam  
Istam Erebo excitam monstrifero furiam ,  
Natam hominum turbare genus , turbare quietem ,  
Nunc premere invicto sub pede perge magis .  
Vicit io ! CLEMENS . Laetanti pectore Cives  
Gaudete , & tanto munere promeritas  
Solvite jam grates Superis : huc pingua ferte ,  
Ingerite huc sanctis turea dona focus ;  
Omnia festa decent : faustis modo vocibus omnis ,  
Claro CLEMENTIS nomine & aura sonet .  
Talja carminibus memorant , frenituque secundo ,  
Ducitur atque omni laudis honore dies .  
Interea Tagus attollens summa caput unda ,  
Flavaeque herbosus Najades thalamis  
Ridentes plauduntque manus , hilaresque choreas  
Concelebrant : solito purior unda fluit ,  
Fulgentesque auro solito mage volvit arenas .  
Haec vidi ; haec , CLEMENS , visa referre Tibi  
Testis ego volui . Tu fies ? laeta omnia sed nunc  
Nonne tuli ? quid Te jam amplius excrucias ?  
At , nosco , dulcem ex oculis fletum elicit ingens ,  
Exultans pleno pectore laetitia .

O fa-

( XVII. )

O factum bene ! jamque paras perolvere grates ,  
Templaque magnorum visere Coelicolum .

Et merito : ipsa etiam antevolem , tantosque triumphos ,  
Tantaque narrabo gaudia Romulidis .

Sic ait ; & mediam , penna plaudente , per Urbem  
Se tulit insuetæ nuncia lætitiæ .

Salve o PAX omnes inter pulcerrima Divas ,  
Salve o communi sæpe vocata prece .

Per Te factorum niveus jam nascitur ordo ,  
Et nova nunc rerum sese aperit species ;

Per Te mordaces fugiunt jam corde timores ,  
Et pede nunc luces candidiore fluunt .

Qualis post tristes nimbos , post fulgura crebra ,  
Continuo in tunica versicolore nitens .

Pulcra Iris ducit formosum in nubibus arcum ;  
Late ventorum flamina cuncta silent ,

Amplius haud tonitru quatiuntur moenia Mundi ,  
Nec gelidum terrorem incutiens animis

Coelum huc , atque illuc minitantia fulmina jactat ;  
Sed lentas placide solvitur in pluvias :

Talis ades trepidis felix mortalibus omen ;  
Adspectu fiunt omnia læta tuo .

Jure

( XVIII. )

Jure igitur Tibi se compsit Mavortia Roma ,  
Et geminas gaudens tollit ad astra manus ,  
Ornatifque Deum Templis indicit honorem .  
Fallor ? an aurato jam venit axe Pater  
Romulidum CLEMENS , firma & tutela , salusque ?  
Audiui niveos tollere equos fremitum .  
Non fallor , Magna procerum stipante caterva  
Ecce venit : plausus , eja age , quisquis ades ,  
Ingemina , Patremque , salutiferumque saluta ,  
Attolle & meritis laudibus astra super .  
Sed bene habet . Plaudit concordi turba favore ,  
Et fervet votis , laetifico & strepitu ,  
Et flavus Tiberis , Tiberi & centum patre Nymphae  
Responfant , pulcro & flumine laeta canunt .  
Ore favete omnes . Subit ille en limina Templi , (\*)  
Quem nivea occurrens excipit ipsa manu

PAX

(\*) Innuitur haec Templum Divi ratorum Patrum Senatu , & Roma-  
Antonini Nationis Lusitanicae , prope norum Procerum corona , Deo be-  
ripas Tiberis , magnificentissime pul- neficentissimo gratiarum laudes publi-  
cissimeque exornatum , quo se Pont. ce perfolveret , & pro FIDELISSI-  
Opt. Max. contulit cum omni pom- MI REGIS incolumitate , Regnique  
pac celebritate , ut , adstante Purpu- totius felicitate deprecaretur .



( X I X . )

PAX , fulgore ipsam vincit quae candida Phoeben ,  
Dum coelo stellas , nocte silente , regit .

Proh Superi ! ut fulget sanctum penetrale ! coruscant  
Vt faculis , cultu ut divite cuncta nitent ,

Et pellucidula crystallo , auroque , argentoque !  
Haec , dicas , magno Numine digna domus ;

Jam varii mulcent concentus aëra , sacris  
Jam late resonant omnia carminibus ,

Ante aras sese evehit alte suave halans tus .  
At CLEMENS lacrymis ora tepefaciens ,

Suspiransque altum , placidum sibi Numen adorat ,  
Nec cessat penito fundere corde preces ,

( Quas positoque genu , flagranti & pectore fundunt  
Purpurei circum , prima virum , proceres ,

Ingens quaeque adstat supplex condensa virum vis ;  
Magnanimum proles incluta Romulidum )

Vt Tibi , grande Orbis decus , o REX OPTIME , cunctis  
Cui rebus multo est carior alma fides ,

Tam bene promerito felici munere PACIS ,  
Det vitae usque favens tempora nestoreae ;

Et longa demum confecto aetate subire  
Templa Deum auricomis lucida sideribus ,

Penni.

( X X . )

Pennigeramque inter pubem , coetusque beatos ,  
Aeterna liceat vescier ambrosia .

Dulce tuo lateri sedeat comes aurea Conjux ;  
Regalis circum ex ordine progenies .

Sic eat . Interea vos promere signa , Quirites ,  
Certatim ingentis pergite laetitiae ,

Et spissae niteant taedae per compita , nox ut  
Phoebeum vincat candida luce jubar .

At Tu , Diva potens , nostrae quae causa salutis ,  
Qua fieri certe nil pote amabilius ,

Ah ! maneat bona PAX ! neu Te discordia tetra  
Longinquas iterum cogat abire vias ,

Atque almam liquisse Urbem ! Sed Tute loquentem  
Deferis , atque novum strenua carpis iter ?

I mea Diva , fuit placido qua Sequana cursu ,  
Qua fuit aurifera dives Iberus aqua ;

Perge malas male quas sevit discordia stirpes  
Eruere , & natos conciliare Patri ;

Alite dein niveo redeas ad nota Quirini  
Culmina , ubi sedem tempus in omne tuam

Constitues ; tecumque duos felicitis olivae  
Ramos ( sic faveant Numina cuncta ! ) gerens ,

CLE-

( XXI. )

CLEMENTI leges , aeterni & foedera pacti

Aeterno tandem scripta adamante feras .

Ocyus o PACIS reditu lux sancta futura

Purpureum aequoreo profer ab amne caput !



*IM.*

*IMPRIMATUR.*

Si videbitur Reuerendissimo Patri Magistro S. Palatii  
Apostolici.

*D. Jordani Patr. Antioch. Vigefg.*

---

*IMPRIMATUR.*

Fr. Thomas Augustinus Ricchinius Ordinis Praedicator.  
S. P. A. Mag.

126 2010135